

編號 4 號

【姐婆个菜園教室】李秀鳳原作

放暑假也，阿爸、阿姆送侄膠老妹轉到滿舅屋下，同姐婆共下戴兩隻月，毋使去安親班吹冷氣關歸日仔，係兩姊妹最暢樂个事情。其實，侄兜去莊下也愛去上課，無共樣个係，毋使讀書，逐日朝晨珍等姐婆先生去菜園教室，認識各種青菜。

姐婆在菜園搭一隻菜瓜棚，棚頂一蕊一蕊个黃花生到榮榮，侄膠老妹算通棚有幾多蕊？做得打幾多條菜瓜？姐婆笑弛弛仔講：「莫算啦！有兜係公花，毋會打子。」原來菜瓜花同油桐花共樣，有公也有嫲。

侄發現姐婆个菜園，分黃色个花號¹到淦淦，除忒菜瓜以外，像瓠仔、苦瓜、笏瓜、番瓜、長豆仔開个花都係黃色个。「這位有開紫色个花。」老妹看等一頭枝莖係深紫色个，毋知麼个菜，喊到大嫲牯聲。姐婆講這安到吊菜仔，若係吊菜仔開黃花，該就反種²哩，故所吊菜色个吊菜仔，定著係開吊菜色个花。

日頭恁烈，侄膠老妹坐在菜瓜棚下奈涼，看姐婆改菜廂。老妹看生到像手指公恁長个菜瓜子掛等一蕊黃花，還得人惜，就用

¹ 號：音 ho；霸佔。

² 反種：音 fan` zung`；變種，指事情反常。

拈食指去探，菜瓜子連等花緊顫，實在還生趣，侄也跔等搞。姐婆看兩姊妹恬索索，行兼來看。「唉哦！你兩儕仰會手恁賤，毋知菜瓜子當瓜鬼³係無？花膠子分人摸過就會消忒。」分姐婆咄，兩姊妹著下驚毋敢出聲。麼个係瓜鬼啊？兩個細姪仔恁解。姐婆看出侄兩儕心肝肚个疑狐講：「過加幾日你兜就知！」

過無幾多日，分侄同老妹揀過个細菜瓜子緊來緊烏，續等連子帶花燥忒敞淨淨，原來這就係瓜鬼。姐婆講：「細人仔愛較有量兜仔，毋好動啊著就羊喊⁴像瓜鬼樣仔得人惱，知無？」侄膠老妹緊領頭緊應：「知咧！」

侄膠老妹最好跔等姐婆去菜園教室，毋單淨做得認識各種菜，還做得了解侄兜成長个特性，比上自然課還較有意思。

³ 瓜鬼：音 gua` gui`；指小氣、摸不得。

⁴ 羊喊：音 iong` ve`；嬌慣，動輒大叫。